

Edjean ta bisa “DANKI!”

Un palabra simpel, pero cu ta significa hopi pa mi. Despues di un concierto sumamente exitoso, ta na su lugar pa mi gradici tur hende cu a yuda mi realiza un otro soño. Pa por realiza un proyecto asina grandi, e ta rekeri hopi esfuerzo, apoyo, determinacion, energia, dedicacion y sosten financiero. Pero e principal ta amor pa e arte. Mi kier a cuminsa na gradici mi famia, cu ta mi pilar di mas grandi. Danki pa e pasenshi y e apoyo incondicional. Mi team cu a yuda mi: Lia, Miekkey, Igor, Vefi, George, Marisol, Jeanira, Lito, Seagrid, Nel y Roci. Hopi danki pa e trabao sublime. Na Vanesa y Mayra, danki pa e tremendo apoyo. Na Landa, danki pa e cooperacion y sosten brinda. E ta di aprecia. Mi tremendo orkesta. Petje af! Hildward, Ivan, Martin, Carlos, Jeremy, Doodle y Reynaldo. Ta un honor y placer di por traha cu musiconan asina talentoso. Mi elenco estelar

di cantantenan invita, Edwin, Gloria, Sharon y Jeanedy, boso a haci e anochi uno hopi mas special y unico. Mi ta orguyoso di boso! Na mi coristanan, Mirugia, Jerrino y Risjiena. You're great! Na Maybelline Arends-Croes y e integrantenan di Melange. Boso presentacion tabata sublime! Mariachi Lirios del Campo, cu a sorprende tur hende. Tremendo! Na Reynold Kelly, E sonido tabata master! Ko Fung y henter e crew di High Performance. Tremendo espectáculo di lus! Un trabao fantastico! Eric Jan, thanks pa a yuda den e momentonan di mas necesidad. Aura, que creatividad! E stylenan tabata great! Jenifer, hopi danki pa bo consejo, apoyo y ayudo di semper! Na Manchito's, especialmente señora Nena Ponson cu a pone mi luci cu un tremendo vestuario! Na henter e staff y personal di Cas di Cultura, Na Thelma y e crew di

EPI, Muziekschool Aruba, danki pa boso cooperacion. Na Pepe Gonzales, danki pa e bunita trabao. Mi brothernan di IT-productions. Danki pa e trabao sublime y profesional di semper! E DVD ta tremendo! Hopi importante ta pa menciona e comerciantenan cu a kere den e producto y cu a demostra di ta stima y sostene loke ta di nos! SETAR N.V., di curason, boso a demostra cu di berdad SETAR ta stima loke ta di nos. CARIBBEAN OVERSEAS, E biña, champagne y snacks tabata hopi dushi. Vivian, ta di aprecia e apoyo y sosten. SUBWAY, Manera mi a bisa e publico, e Fresh Fit Meal TA yuda bo baha peso di berdad! “E ta pone mi sinti dushi!” LING & SONS IGA SUPERCENTER, no tin palabra pa expresa mi gratitud pa boso apoyo. E honing, e thea, y e gember cu boso tin den stock a yuda e stem inmensamente! Na GRAFICAS



ARUBA, un agradecimento special pa e tremendo apoyo y cooperacion. KOK OPTICA, cu tambe a deposita nan confianza den e concierto, E publico a keda encanta cu e bril cu mi a show off na final di e show! Ta na KOK OPTICA bo ta hañ'e! TEXAS FURNITURE STORE cu a zorg pa e stoelnan zuiver riba escenario. KOOLMAN FLOWERSHOP cu a regala e mamanan VIP un bunita rosa roos. E mamanan a keda hopi contento cu nan regalo! Cd & More, un danki inmenso pa boso apoyo di semper! Matutino BONDIA ARUBA, Tremendo cobertura! Matutino DIARIO, ta di aprecia e apoyo y cooperacion cu boso a brinda na e concierto. Matutino SOLO DI PUEBLO, di curazon hopi danki pa boso sosten di semper! Na tur e fotografonan cu tabata presente pa captura e momentonan historico y inolvidable di e concerto. Na staff y personal di MAGIC 96.5 FM, especialmente tur e locutornan cu a carga e concierto, hopi danki pa e sosten, apoyo y e tremendo promocion. Na CANAL 90 y mi brother Ivo, hopi danki pa boso tremendo apoyo. E cobertura y promocion tabata master! TOP FM 95.1, di curazon hopi danki pa e apoyo y sosten incondicional. Semper lo mi aprecia esey! BO GUIA fm, cu semper ta apoya y sostene tur loke ta di nos. G-FM, radio

Galactica, masha danki pa boso apoyo y cooperacion di semper. CRYSTAL fm, pa semper tin su portanan habri pa tur loke nos tin di presenta.

Por ultimo, pero sigur no menos importante, ta e tremendo, unico y fabuloso publico cu tabata presente e anochi ey pa demostra su apoyo. Di curazon hopi danki na cada un di boso cu a pone mi sinti na cas y comfortable riba escenario. E regalo di mas bunita ta di por tin e apoyo, sinti e cariño, experiencia e sosten y wordo movi pa e amor di bo publico. Sin boso tremendo apoyo mi lo no ta caminda cu mi ta awe. Lo ta un honor, placer y bendicion di por sigui conta cu e apoyo, sosten, amor y cariño ey. Pesey mes, for di profundo di mi alma y mi curazon, mi kier a bisa boso tur DANKI!! Dios bendiciona boso tur!

Mi ta spera cu mi trabao y logronan por ta ehempel y estimulo pa otro. Si bo tin ambicionnan grandi, si bo tin soñonan grandi, sigui kere den nan. Tur loke bo logra den bo bida ta cuminsa cu un simpel deseo. Un simpel soño. Keda positivo. Siña di cada paso cu bo tuma den bida. Crece cu cada experiencia, bon y malo. No ta existi fracaso.

“Keep your mind on the target. Center your energy and trust the Universe will provide for you!”